

福建府縣志輯

中國地方志集成

乾隆汀州府志

中國地方志集成

福建府縣志輯③③

乾隆汀州府志

上海書店 ● 巴蜀書社 ● 江蘇古籍出版社

圖書在版編目(CIP)數據

中國地方志集成. 福建府縣志輯. 33, 乾隆汀州府志 /
上海書店出版社編. - 上海: 上海書店出版社,
2000. 10
ISBN 7-80622-424-6

I. 中... II. 上... III. ①地方志-中國②地方志-
福建-汀州府 IV. K29

中國版本圖書館 CIP 數據核字 (2000) 第 27738 號

汀州府志序

太史公作八書班孟堅因之爲志十千律歷刑法食貨郊祀天文五行地理清瀉藝文諸類各爲一志人物則以紀以表以傳後代郡邑之志實昉于班而人物并以志稱自郡邑有志太史擇其要者以登于史卽周官外史所掌與大小史相表裏者也顧非擅才學識之三長足以櫛櫛休明潤色鴻業者卽欲加摭摭編摩而有所甚難汀於晉太康爲新羅地爾時轉徙靡常統

汀州府志

卷之一

單序

一

輅無定迄唐雍熙始隸福建路淳化以來或入籍江西行省或仍歸閩南版圖其間改路爲府變堡爲縣聲名文物之盛土宇版章之廣已逾曩日前明金陵吳君文度烏程唐君世涵因舊志散軼起而重新之嗣經兵燹之餘方策云燬無以昭茲來許夫我

國家深仁厚澤浹於百年戶口日增幅員愈闊汀州一郡駸駸然並全閩所轄諸郡而頡頏矣志顧缺畧不修是亦一方之憾事而守土者之羞

也太守曾君蒞汀三載政通人和復獨留心斯

舉爰捐貲藏事越兩歲而告成今以才賢副任

東寧行有日矣彙帙此志索弁於余余取而披

覽之首凡例以審厥端臚條目以綜其要戶役

田賦優卹附也學校師儒書社列也著作富贍

者傳文炳於日星也惠施馨懿者行義昭乎史

藏也欽隱逸之堪仰則枝棲亦留厯冰雪之可

風則蘭閨悉錄他若吳臺梁苑梵刹元宮則釐

定于此攸嚴災稂荂荷風誦土物則編次有所

汀州府志

卷之一

單序

二

不濫至于星野疆域禮祀禮樂職官武備之原委周詳又皆其燦然而可觀釐然而有緒者也僉曰休哉於乎偉矣夫承流宣化豈繫無人而興廢舉墜往往墮于因循而不之振今乃舉上下百十餘年之殘缺而補之俾大綱小紀較若列眉前言往行瞭如指掌予以仰佐

聖天子昇平之治而備千秋金匱石室之採所係不綦重歟余適任輶軒故因厥請而弁其實于簡端云

乾隆十七年壬申長至日

賜進士出身中憲大夫福建分巡巡海汀漳龍道按

察使司副使加一級前工科給事中

欽命巡視臺灣兼提督學政高宥單德謨誤

汀州府志

卷之一

單序

三

汀州府志序

邦國四方之有志蓋不知其所始而周官小史外史實掌之然則尚已唐宋以還凡通都大邑荒陬遐裔靡不各有紀載勒爲成書所以昭一方疆索之廣狹山川之險易民數之登耗土田之腴瘠風尚之美惡官師之治行名賢之懿蹟微而方言逸事人機物變具著於錄雖不無純駁得失之殊其足以資攷鏡一也昔文公朱子每蒞郡甫下車輒稽討圖經用爲出政宣民之本則志之所繫詎不重歟臨汀爲郡壤接江廣山重水迅廣袤數百里爲閩南奧區自朱逮明人文日盛我

汀州府志

序

德序一

朝德教涵濡至化翔洽汀之人旣家禮樂戶詩書有以草其獷悍鬪健之習俗至於名材碩彥項背相望而鄉里自好之士亦多至不可勝紀猗歟休哉卽一郡以觀而全閩而天下可知矣若夫休養生息之久戶口蕃富汙萊盡闢豁除浮賦賑恤災黎

淇恩之霑被茲土者有加無已汀之人何其幸也夫

風會之日上

德澤之滂流皆不可以無述乾隆戊辰南昌會君曰

瑛奉

命來守是邦期月政成間徵郡乘則自

本朝百有餘年以來闕焉不修重懼宏綱鉅典日就

放軼遂乃徵文考獻慎延儒紳畀以筆削之任

閱歲書成請余一言弁其首詳觀是編義例謹

嚴有條不紊

汀州府志

序

德序二

國家之典章制度良法美意粲然咸備洵可爲一方

之淳史足以昭示來茲者也余雖未親履其境

獲觀夫山川疆里風氣之清淑茲得循玩是編

頽仰遇之尤爲快矣曾君泚鄧江五年百廢具

舉惠政流聞至今方以績最調知臺灣云

福建等處承宣布政使司布政使加二級又軍

功加四級紀錄十二次德舒序

序

繫維我

國家重熙累洽永奠金甌土宇版章亦孔之固薄

海內外莫不戴

聖天子之聲靈沐浴休光被服文教極之雕題窮髮

東鷄西鰲之鄉幸梯航重譯來享來王每休沐

之暇伏讀

御製皇輿通表未嘗不欣歎幅幘之廣誠有如內典

所稱四大部洲麗農廣野之奇丕休哉何風之

汀州府志

序

金序一

盛何遇之隆也徃以濫厠南臺毫無報稱白簡

朱囊仄然抱歉謬荷

九重特達之知簡蒞閩漳皂蓋熊輿益用滋媿又蒙

恩命持節海疆得縱遊於馬人龍戶之區風濤震蕩

見所未見聞所未聞確信芥子須彌非幻說矣

內遷以來待罪閩汀閩汀介在甌粵爲古新羅

地山粵水滂宋開寶中始入版圖古稱剽悍難

治入境以來民用淳樸俗尚勤儉士多達禮而

傳文自詫所見殊異所聞詢訪之餘始知前太

守曾公芝田先生立政有恆以清剛寓和緩不茹不吐化成風美有由來也復於剔弊培元之暇留心文獻之徵廣輯郡乘適以剞劂初竣備覽其綱舉目張條原貫委淹雅閱麗炳炳麟麟以視班扶風鄭夾漈諸書後先印證則曾公之爲循吏未嘗不根本鴻儒也落不文亦不諳吏治曾公以書問叙于余余因是有感焉余之來汀也雖云權攝乎然在其位者謀其政余卽一日於汀亦必有以効職補過思所以不負

汀州府志

序

金序二

於汀者陶士行惜在分陰正此之謂也諺有之問塗于已經聖人有言舊令尹之政必以告新令尹豈特郡乘一編教我良多乎頃者曾公奉俞旨遷守臺灣尤爲駕輕就熟則其爲我

后誕布聲靈覃敷文教異日必有以廣山海虞衡之志輔轍龍光丹黃汗策也汀誌又何足多云是

爲序

賜進士出身福建分巡臺灣道按察使司副使加二級紀錄十六次攝理汀州府知府事前雲南道

監察御史巡視南漕刑部江蘇司郎中
諾授中憲大夫年家眷寅弟金溶頓首拜撰

汀州府志

序

金序三

重修汀州府志序

周禮小史掌邦國之志外史掌四方之志志者列國之書諸侯之事也說者謂後世變史稱志自陳壽始不知壽蓋有微意存焉其稱三國者不與魏以統之正也其稱志者明乎魏非天子之事也特與蜀有宿怨削謚稱名是其褊心耳今考其書志紀傳共六十五卷名雖爲志實則史也至後世省郡方言乃微與史異史有美刺是非褒貶賞罰志則有彰善而無彈惡其不同

汀州府志

卷之一

李序

一

者一也史事繁而言鉅志事雜而言瑣其不同者二也史多言君道臣節志則守下不議上之義無敢一語及於朝廷所言者區區守土之臣之稱職與否耳其不同者三也若夫序事之辨而不華質而不俚體大思精義遠法備則志與史一焉史難而志亦豈易言者耶汀志修於崇禎十年距今百二十載矣官其土者有所不爲亦有所不暇而郡之能文章有操守者往往瞻顧於父母桑梓之邦欲任勞任怨而不敢也如

汀州府志

卷之一

李序

二

是則典章文物土地人民聽其推移門汶八寔沒後之君子又何以考文而徵獻乎汀郡守芝田曾公思郡志殘缺有不容姑置也乃延孝廉永福黃君惠南昌萬君祚東上舍生南昌李君良燥張君時新建萬君承炎王其事摹漫漶之廢版搜塵蠹之殘牘徵信於通志邑志採於大夫士庶人之口其難其慎越一年而草志成芝田走价數百里囑予釐正而潤色之予惟芝田之尊人慎齋先生生同鄉仕同地其忠藎經

濟有古名臣風予每入

告必以其名

聞乃出爲牧伯入爲星郎躋蹕輒軻終不竟其用今長公於惠和政流之服綱張目舉旋及夫志余老矣喜見故人子之克世其業也故不敢辭乃取草志繙閱之文道事覈信乎可傳之百世而不朽也特以汀原屬吾撫之山洞其山川土地政事人物予頗習聞其要領因不自揣畧爲點定以從當道諸名公之採擇且以復芝田曰公

知此一志也其盡乎爲政之道乎仰觀天象則思所以弭變而迎祥焉俯察地理則思所以增高濬深設險而守固焉考風俗之得失賦役之繁簡則思所以整齊而綏安之焉觀學校則思禮教觀兵制則思和衷觀政事美惡人物盛衰則思嚴取舍廣培植焉於以上報天子下紹家學均於志乎取之又豈區區爲一郡徵信之書已耶是爲序

乾隆十五年歲次庚午仲秋中浣

汀州府志

卷之一

李序

三

賜進士出身 予告內閣學士兼禮部侍郎臨川李紱撰

序

壬申春僕以謬承 閩汀太守曾公龍山講席之聘自念薄植荒落不克報稱又報不獲辭敦世講也入汀以來稔知閩汀爲人文淵數龜山先生桑梓在焉急欲遐稽靈蹟徵考文獻以廣嚮慕之私適郡稟編且成 曾公授以卒業兼命略爲檢校俾壽棗彙猷休哉甚盛典也乃得縱此大觀乎按是書爲永福黃迪軒孝廉等屬草又質定于同鄉穆堂前輩肅括典重炳炳

汀州府志

序

熊序

一

麟僕自揣固陋易敢續貂而芻蕘之詢又不敢不刮垢洗瘡以効愚誠間爲補闕拾遺共勸鴻雅 曾公殊不鄙棄以爲可叅末議僕於是重感 曾公之謙懷若谷求詳且慎而益歎著述之難也聖人有言爲命裨諲草創之世叔討論之行人子羽脩飾之東里子產潤色之區區尺一必賴數君子慘澹經營而後立言無弊國受其福司馬子長繼父談修史記合兩世撰述之力迄有完書而褚少孫猶爲補綴若干首以

相爾縫後世或以爲褚不逮遷也夫褚之不逮
遷也固矣然其志未嘗不善其思亦未嘗不苦
今以巨靈之手揚摩天巨刃於前而令僬僥氏
持匕首殿之其不相及庸人孺子知之然當其
水斷蛟龍陸刺犀革則摩天巨刃之才也惟巨
靈能之而蒐逸兔於蒙茸剔伏狸於遠窮又宜
僬僥氏以身試之仄徑隘區尚可縱橫匕首耳
閩汀自鄭文寶作江表志及南唐近事得史家
正法羅仲明賡注唐書亦爲鉅手著述宏裁後

汀州府志

序

熊序

二

先接武

國初李元仲高才逸品不受羈勒寧化縣志一書
直欲組范縉班不顧震駭流俗人耳目雖欲追
蹤實難其力今 賢太守虔奉

天子命來撫循是郡政修人和之暇因廣采輶軒繪
其山川裒其物宜齊其風俗準其貢賦訪求其
先賢名詰勒爲盛典蔚爲大觀既得黃君輩與
穆堂先生手定之僕何人哉敢曰討論耶敢曰
修飾耶且敢曰潤色耶少孫之補綴或者萬一

庶幾是則僬僥之匕首也揚巨刃者得毋返顧
笑之皆

乾隆十有七年歲在元默浥灘小春中澣日
賜進士出身翰林院檢討年眷弟鶴嶠熊爲霖頓首
拜撰

汀州府志

序

熊序

三

序

記有之凡居民材必因天地寒煖燥溼廣谷大川異制民生其間者異俗剛柔輕重遲速異齊五味異和器械異制衣服異宜修其教不易其俗齊其政不異其宜富哉言乎此必深明天下可治可齊之故而後可大有爲也汀州古新羅地僻處南服介夫隴粵延邵之間萬山縈傑不可主名其大者則如紫金玉華拔地倚天小亦層岡複嶂蜿蜒數十里其水湍激飛流瀝爲淵

汀州府志

序

王序

一

諸如三隘九龍諸險不一而足以故土瘠民貧習尙剽悍雖椎樸是其本真而走險輕鬪每足憂乃父兄長老頗稱難治恭惟我郡公芝田先生以南豐賢裔奉

聖天子簡命出守是都理學文章經濟世傳令緒蒞汀以來政簡刑清庶務就理大要本心性爲理學據經術爲文章準時宜爲經濟日與斯民調息元氣而不挈挈然自以爲功休養既舒文教亦殖每念郡志一書爲古之小史舊版經百餘

年日就廢滅毅然以身任之與郡之士大夫徵文考獻博收鴻摯而尤取精研覈筆削進退不少阿乙乙冥冥根極史要書既成若網在綱有條而不紊其裔皇鉅麗可以拓記載可以礪風俗可以稽報最丕休哉甚盛典也緒以巴人鈍質溝衷井目雖忝竊分符上不能贊襄機畫次不能廣宣德教藉以仰觀厥成游夏無詞而厠名簡末何幸如之何幸如之南豐先生爲熙豐名臣而我公世德作求卓然

汀州府志

序

王序

二

當代其在書曰爾克敬典在德時乃罔不變允升於大猷其在詩曰不競不綏不剛不柔敷政優優百祿是遘我公有焉行見懋乃嘉績

璽書褒慰如漢宣故事詔稱與朕共治天下者惟二千石簡其賢者賜爵開內侯出爲大守入爲宰相則公且以治汀者治天下彪炳

皇猷黼黻綸扉皆推此裕如矣區區郡志云乎哉故曰人必深明天下可治可齊之故而後可大有爲也是爲序告

乾隆十有七年歲次壬申復月之吉

誥授奉直大夫汀州府清軍同知加 級年家眷寅

晚生蜀江王錫綰頓首拜撰

汀州府志

序

王序

三

汀州府舊志序

明安成劉震進士及第祭酒

汀州自唐有之州有溪南流入於海南丁位也以水合丁故曰汀然稱州未稱郡天寶初雖改臨汀郡未幾復爲汀州州治自新羅徙白石至今因之蓋周之七閩地歷秦漢至晉始立新羅縣唐開元末開福撫二州山洞始置汀州宋隸福建路元改汀州路至國朝改路爲府始與福州八郡並稱矣方州於唐屬縣三曰長汀寧化新羅後折新羅屬漳州既路於宋益以四縣曰

汀州府志

序

一

上杭武平連城清流合而六焉然崇山複嶺俗尙武勇當深谷斗絕之處往往掛刀升層崖如履平地故正統成化間兩煩王師收戢山氓先後增歸化永定二縣又合而八焉夫山川既開氣化日盛上符聖神之治下昭守土之功顧豈偶然哉予同年金陵吳君文度憲之守汀幾九載政治民安環境內七百餘里惇矣稀聞廼閱汀志謀於掌教杜君觀光分教梁君鐔曰今之汀非昔之汀也益舊志而新之庸可緩乎二君

卽殫心共事備獵舊載以國史合八縣

訂而刪之歷數月而新志成凡若干卷於是郡之建置沿革山川風俗制度文物官室學校與夫土產貢賦古祠異蹟詩文之屬彬彬具悉如指諸掌廼走簡南雍徵予序并授諸梓惟地以時而闕以人而治必以文籍而傳故夏殷徵文獻孔聖式負版漢收秦府圖籍而盡知四方險易志可忽乎哉汀際文明盛世而有賢守臨之以人乘時地之闕且治也宜矣然觀風辨物昔

汀州府志

序

二

好勇鬪而今習文事昔寡進取而今趨科名烟火始稀也今則鷄犬相聞無異中州瘴癘始熾也今則士類宦遊視爲樂土使無新志何以紀勝而示後徵此吳君所以屬意編摩而傾提臆分以底成功資二君焉予雖弗工於序奚容辭噫斯志也譬樂之合衆音以鏘鳴也而祝始之其音朴然序則祝也觀者羨洋洋之盛其無厭乎祝之朴也耶

弘治丁巳
年仲秋修

汀州府舊志序

明伍 宴

志別史之名也筆削秉是非之公褒貶嚴取予之正無假借詭隨公而不私此修志之定法徵春秋之大義也可易爲之耶當嘉靖丙戌之五年我汀州大邦伯邵公有道誕興文教忠和政流三年矣公餘作而歎曰國無史何以鑒治亂興亡郡無志何以知人情風俗惓惓以修志爲任已而憲使周公提學副使邵公銳意整飭兵備憲僉儲公又相繼遶之公乃登晏于堂囑曰

汀州府志

序

一

子郡人其爲我修之辭愈堅而委愈力用是協同汀州府學訓導何雲庠生王惟倬李孟魁等取先弘治十一年所修舊志門類事體悉遵成式但道降俗殊或有不合於是細爲考閱可者因之否者革之遺者補之幽者闡之善者進之惡者退之無實盜名者刪而正之閱六月兩草志成志成公曰是可梓也子其序之晏惟史志一也顧一簡而一繁耳何謂一蓋志紀天文分野卽史天文志志紀山川城郭橋梁道路卽史

地理志志紀土田貢賦卽史溝洫志志紀名宦

人物列女之屬卽史外傳志志紀詩詞序記之

類卽史藝文志志紀甲第科貢卽史選舉志若

乃志風俗之淳澆戶口之增損則又君德世道

所繫得非本紀世家法耶然史家者流遷固尙

矣以良史稱則曰華嶠以不假借稱則曰吳兢

以直筆稱則曰李延壽晏林下散人賦質庸下

其于良史之才愧前聞人多矣安敢希名於志

以圖不朽哉雖然抑有說焉人有古今此心之

汀州府志

序

二

公則一而已要之公筆削嚴褒貶是曰是非曰

非不少假借而直筆不同吳兢此心延壽此心

而晏未必非此心也若乃徇情害公褒貶失當

如魏收者非惟不肯爲而亦不敢爲矣公欲鏤

梓大備一汀文獻其功豈淺淺哉是舉也予於

通守楊侯太古節推劉侯梅其左右贊襄亦有

取焉

汀州府舊志序

明烏程唐世涵

郡邑之有志昉古列國史也志喬經而翼史者

也六經之道同歸矣謂春秋獨見諸行事非空

言比何也袁鉞嚴勸懲遠夫人而知之也今夫

自朝廷達邦國凡敷奏也批勅也勘驗也何事

非言何言非事行之則勸懲在一時輯之則袁

鉞千百世甚矣史之爲事重也語事於一郡

內外大小雖殊至於登耗有數興釐有時彰善

瘅惡有權治人理幽有典事之可存於簿書者

汀州府志

序

一

所在充棟焉揆以春秋之義其散之六曹與屬

邑者雖實事總載以空言及其彙而爲志無空

言不爲實事而志且與史並重作之匪易修不

其難乎汀志終於肅皇帝之六載迄于今山川

尙多新闢何論人事益以年來疆場多故兵食

繁興加派頻仍官私交困暨理家者事愈勞則

手口之登記愈不容慢此殘缺之亟在修舉也

余不佞技乏三長而欲上下百十餘年之文獻

程往昔詔來茲如綆短何惟是長吏窮年簿書

志特其可大可久者委之操觚家事又義所勿
安廼取馬生上榮所爲續畧與舊本參伍而錯
綜之考以八閩通志採以八邑分志登裨野之
傳聞發案牘之陳腐再與紳衿之有識者悉心
討論如裁腋爲裘聚材作室凡三易藁而志成
質之共事諸君無異同也僉揖余進曰汀信史
也請弁其首梓之余猶豫未決旣又喟然作而
嘆曰嗟嗟否歟然哉夫子之作春秋也曰吾之
於人也誰毀誰譽尤上嘉乎史之闕文且於不

汀州府志

序

二

知而作之者三自反焉汀旣培固陋而文明則
爲之志以表方隅之勝大約善善長於惡惡法
之不得同於史固也或者謂江河日下載籍孔
多執袴士女偏多節孝之旌箕裘子孫善竊賢
豪之幟巧拙之名實相蒙恬競之品行互掩貴
耳于目信手爲心若是者有一焉能無謬於有
所試無所考之旨乎然則昔之於志懼其文闕
今之於志不更懼其文夸乎所得而信者曰
此述之非作之也抑縱與奪進退微顯不佞與

諸士大夫國人之心相信而後筆之於書庶幾
以三代直道當四境風謠待熙朝作史者之採
擇云爾若夫披岩谷之險夷辨民俗之淳薄論
武備之堅瑕導其窾可以起事綜其變可以救
時又此中資治之本所不可使無徵也

汀州府志

序

三

總裁

太子優詔學士知縣徐如椿等謹將所到州縣知縣三品銜曹善

巡撫福建等處地方提督軍務兼都察院右副都御史加一級紀錄二次潘思渠 江南高郵人

巡撫福建等處提督總兵郭君傳兼都察院右副都御史加級紀錄五陳弘謀

提督福建等處學政陝西道監察御史加三級葛德潤

昆督福建等處學政刑科給事中加二級馮 鈐 浙江人

福建寧處承宣布政使司布政使加二級紀錄四次顧濟美

福建按察使承宣布政使司布政使加三級軍功加四級紀錄五次德

汀州府志

卷之首

總裁

福建等處提刑按察使司按察使加三級紀錄三來謙鳴

總理福建全省傳道兼轄八巡福州府暨各處廣惠司副軍務三級地稅齊圖 榮發人

福建等處都轉鹽運使司鹽法道紀錄八次吳謙誌

福建分巡海道按察使司副使紀錄六次單德謨 卅歲

土修

汀州府知府曾曰葵

汀州府同知 王錫縉 四歲

署汀州府同知候補同知覺羅四明

長汀縣知縣丁濰

寧化縣知縣明新

署寧化縣知縣張元芝

署寧化縣事福寧府通判馮拭袞

清流縣知縣馬銘彝

署清流縣事候補知縣沈 梗

清流縣知縣宋瑋

歸化縣知縣孟侯

署歸化縣知縣嵇璇

汀州府志

卷之首

主修

—

署連城縣知縣高紹圓浙江人

連城縣知縣瞿緝曾

上杭縣知縣趙成

武平縣知縣 吳士元 河南

武平縣知縣李藩

署武平縣事南安縣縣丞 黃履同 汪大猷

永定縣知縣吳棟

署永定縣知縣方南潯

原任永定縣知縣 孫容光 廣德陵

重刊

汀州府知府隨帶軍功加三級紀錄三次尋常紀錄次延 楷 滿洲黃旗人舉

署汀州府清軍糧捕同知候補同知加十級紀錄次張希淵 江西上饒人增生

署長汀縣知縣候補同知加十級紀錄十次黃運昌 漢軍黃旗人監生

署寧化縣知縣候補同知直隸州知加十級紀錄次蔣澤沅 湖南安化人附生

署清流縣知縣加十級紀錄十次周廷獻 廣西潯林人進士

署歸化縣知縣加十級紀錄十次韓毓午 山西霍州人進士

署連城縣知縣加十級紀錄十次華鍾祥 江蘇江都人進士

署永定縣知縣加十級紀錄十次陳學淵 江西臨川人附生

汀州府志 卷之首

汀州府學 教授 林振高 候官人 廩生

汀州府學 訓導 郭柏鄉 候官人 廩生

長汀縣學 教諭 高慶揚 候官人 廩生

長汀縣學 訓導 高會報 長樂人 廩生

監刊

陸用同知直隸州卽選知縣舉人戴良葵

五品銜遇缺前卽選訓導廩生曾晴川

儘先選用教諭拔貢生鄭仰虞

遇缺選用訓導廩膳生李師曾

拔貢 生陳嘉謨

選用訓導廩膳生劉駿

校對

五品銜遇缺前卽選訓導黃宗海

都司段冕章

候選訓導 許賴植基

江西補用府經歷縣丞陳緯

廩生鄭汝廉

汀州府志 卷之首

二